

Poziv za državni foto-konkurs Mensa BiH PhotoCup 2026

Poštovani članovi,

Pozivamo vas da se prijavite na državni foto-konkurs Mense Bosne i Hercegovine i time uzmete učešće na međunarodnom takmičenju *Mensa International PhotoCup*. Uslove, odredbe i ostale detalje o ovom zanimljivom takmičenju možete pročitati u nastavku.

Svake godine *Mensa International* pokreće *PhotoCup* – savršenu priliku da članovi širom svijeta pokažu svoje fotografske talente. Ove godine, prateći propozicije i zvanični poziv centralne organizacije, Mensa Bosne i Hercegovine po prvi put pokreće **Mensa BiH PhotoCup 2026**.

Takmičenje je tematskog karaktera, a ovogodišnja tema glasi „**Iskra evolucije**“. Osnovni uslovi za učešće jesu aktivno članstvo u Mensi Bosne i Hercegovine i usklađenost fotografije sa zadatom temom.

KLJUČNE INFORMACIJE

- **Tema:** „Iskra evolucije“
- **Rok za prijavu:** 31. jul 2026. godine
- **Adresa za slanje:** Prijave se šalju na mejl adresu: konkurs@mensa.ba

PRAVILA TAKMIČENJA

Šta je dozvoljeno:

1. **Članstvo:** Kandidat mora biti član Mense BiH u momentu prijave i zadržati taj status tokom cijelog trajanja takmičenja.
2. **Format i slanje prijave:** Sve fotografije, zajedno sa tekstualnim dokumentom koji sadrži vaše podatke (ime i prezime, članski broj, mejl-adresu i naslov(e) radova), obavezno je **spakovati u jednu ZIP arhivu**. ZIP arhivu je potrebno imenovati u formatu: **Ime_Prezime_PhotoCup.zip** (npr. *Marko_Markovic_PhotoCup.zip*) i poslati u prilogu imejla.
3. **Broj i format fotografija:** Unutar ZIP arhive dozvoljeno je poslati najviše tri (3) fotografije. Svaka fotografija mora ispunjavati sljedeće tehničke uslove:
 - Format: JPG / JPEG
 - Rezolucija: 150 DPI ili viša
 - Veličina pojedinačne datoteke: do 10 MB
4. **Fokus na temu:** Svaka fotografija mora samostalno i nezavisno odražavati temu „Iskra evolucije“.
5. **EXIF podaci:** Radi osiguranja regularnosti takmičenja i preciznog rada žirija, obavezno je dostavljanje originalnih EXIF podataka za svaku fotografiju.
6. **Globalno uređivanje:** Dozvoljene su izmjene koje se primjenjuju na cijelu površinu fotografije. To podrazumijeva:
 - Isijecanje (crop), ponovno kadriranje i ispravljanje perspektive.

- Korekciju boja na cijeloj slici (npr. pretvaranje u crno-bijelu tehniku, sepiju, monohromatski stil, te uklanjanje digitalnog šuma i prašine).
 - Prilagođavanje balansa bijele boje, osvijetljenosti, ekspozicije, kontrasta, svijetlih tonova (highlights), sjenki, zasićenosti (saturation), nijanse, temperature, oštine i definicije.
7. **Autorska prava:** Svaki rad mora biti originalno djelo potpisnika, koji materijalno i pravno garantuje da je jedini i isključivi vlasnik autorskih prava i svih prava intelektualne svojine.

Šta NIJE dozvoljeno (osnov za diskvalifikaciju):

1. **Foto-priče:** Ovo je konkurs za pojedinačnu fotografiju. Nizovi fotografija ili kolaži namijenjeni gledanju po određenom redoslijedu neće biti prihvaćeni.
2. **Starije fotografije:** Fotografije nastale prije 1. januara 2026. godine nisu dozvoljene. Molimo vas da provjerite tačnost datuma na vašem digitalnom aparatu prije fotografisanja.
3. **Vještačka inteligencija (AI):** Slike generisane ili modifikovane putem AI alata biće diskvalifikovane. Članu koji pošalje ovakve radove biće trajno zabranjeno učešće na budućim konkursima.
4. **Grafički elementi:** Fotografije ne smiju sadržavati elemente koji nisu prirodno snimljeni, kao što su stikeri, vodeni žigovi, logotipi, oznake, brojevi, simboli, potpisi ili inicijali autora.
5. **Lokalno (selektivno) uređivanje:** Svaka obrada van okvira globalnog uređivanja je zabranjena. To se posebno odnosi na: uklanjanje objekata sa slike, maskiranje ili gradiranje pojedinih dijelova, selektivnu promjenu boje pozadine, ciljane izmjene na određenim regijama fotografije i upotrebu AI softvera za obradu.
6. **Promocija radova:** Bilo kakvo javno promovisanje prijavljenih radova od strane autora ili trećih lica u njegovo ime tokom trajanja izbora nije dozvoljeno.

USLOVI I ODREDBE

Prijavom na konkurs, učesnici su saglasni sa javnim objavljivanjem svog imena, naziva fotografije i naziva Mensa Bosne i Hercegovine (ili države prebivališta) unutar i van organizacije Mensa.

Autori zadržavaju autorska prava nad svojim fotografijama. Međutim, slanjem radova autori ustupaju organizacijama *Mensa International Ltd.*, njenim priznatim nacionalnim Mensa organizacijama i povezanim pravnim licima trajnu, globalnu, besplatnu i neekskluzivnu licencu za korišćenje, reprodukciju, objavljivanje, distribuciju i prikazivanje fotografija u bilo kom postojećem ili budućem medijskom formatu.

Ova licenca uključuje pravo korišćenja radova:

- na zvaničnim internet stranicama i društvenim mrežama;
- u biltenima, časopisima, publikacijama, posterima i ostalim promotivnim materijalima;
- u galerijama, na izložbama i drugim virtuelnim ili fizičkim događajima u organizaciji *Mensa International Ltd.* ili njenih partnera.

Učesnici potvrđuju da za navedene oblike korišćenja fotografija neće potraživati niti primiti finansijsku naknadu.

PROCES SELEKCIJE I NAGRADE

Jednim slanjem fotografija praktično ostvarujete pravo na učešće u dva paralelna izbora:

1. **Mensa International PhotoCup 2026:** Sve pristigle fotografije koje ispunjavaju uslove biće prosljeđene centralnom žiriju *Mensa International* u trci za titulu globalnog fotografa godine.
2. **Mensa BiH PhotoCup 2026:** Tri najbolje rangirana učesnika na državnom nivou predstavljace Mensu Bosne i Hercegovine kao tim na međunarodnom takmičenju *Mensa PhotOlympics 2026*.

Za državni konkurs formirana je nezavisna komisija istaknutih stručnjaka iz oblasti fotografije koji nisu članovi Mense:

- **Drago Vejnović, prof.** (Akademija umjetnosti, Univerzitet u Banjoj Luci)
- **Adis Nović** ("Daliah Agency", Sarajevo)
- **Bojan Crnokrak** ("Crnokrak Photo", Banja Luka)

Za pobjednika državnog takmičenja *Mensa BiH PhotoCup* obezbijeđena je **novčana nagrada**.

VAŽNI DATUMI

- **31. jul 2026. godine:** Krajnji rok za slanje ZIP arhive na mejl adresu Mense konkurs@mensa.ba
- **Do 31. avgusta 2026. godine:** Objava rezultata državnog takmičenja i prosljeđivanje radova na međunarodni nivo.
- **Septembar 2026. godine:** Žiri *Mensa International* obrađuje i rangira sve pristigle radove, te bira pobjednika („MI Fotograf godine 2026“), nakon čega slijedi ocjenjivanje nacionalnih timova za *Mensa PhotoOlympics*.
- **Oktobar 2026. godine:** Zvanična prezentacija *PhotoCup 2026* na sastanku IBD-a, proglašenje pobjednika i uručenje nagrada.

Učešće na ovom konkursu predstavlja izvanrednu priliku za ličnu afirmaciju vašeg fotografskog talenta, ali i za promociju Mense Bosne i Hercegovine kroz međunarodnu saradnju i aktivno učešće u globalnoj Mensa zajednici.

Želimo vam mnogo sreće i uspjeha!

Vaša Mensa Bosne i Hercegovine